

## **Botšha bja Jesu go ya ka mo a biditšwego ka gona**

Thero mo Luka 2:40-53

*Palo ya Beibele: Luka 1:26-38*

*Temanathero: Luka 2:40-53*

Ana re tseba eng ka botšha bja Jesu? Batho ka nako tše dintši ba rata go tseba ka ga botšha bja ditšebalegi. O ka reka dipuku tše dintši tšeo di bolelago ka botšha bja Nelson Mandela, goba ka botšha bja mohumagadi Diana. Ka ga botšha bja Jesu re tseba tiragalo ye tee fela, goba go lebiša gabotse, tiragalo yeo e bolelago ka history ye bohlokwa. Gomme yeo ke history yeo re e badilego, e bolela ka ga tsela yeo Jesu a ilego a timela mo motseng wa Jerusalema. Bjale ana maikemišetšo a tiragalo ye Beibeleng ke afe? Ge go na le lenaneo telebišioneng le bolelago ka go botšha bja Nelson Mandela goba mohumagadi Diana, gomme batho ba bantši ba tlile go lebelela telebišione. Ana mongwadi wa Ebangedi o be a tsebatša tiragalo ye gore a akaretše batho ba bantši? Gobaneng re humana tiragalo ye mo Beibeleng?

### **Tabataba: Botšha bja Jesu go ya ka mo a biditšwego ka gona**

Gabotse go bolela nnete, Luka o bolela ganyane ka ga botšha bja Jesu. Ka morago ga go bolela ka boteng ditiragalo tšeo di diragetšego mo matswalong a Jesu, tiragalo yeo e tsebalegago mo historing ya Kerisimose, o bolela fela ganyane ka tiragalo yeo e diragetšego ge Jesu a na le mengwaga ye lesome le metšo e mebedi. Ka morago ga go kwa ka ga yena gape ke mo a ilego a le kwa lešokeng ke diabololo, empa o be a šetše a le monna wa mengwaga ye masome a mararo.

Tiragalo ye ka ga Jesu ge a na le mengwaga ye lesome le metšo ye mebedi a ga e bonale e ditiragalo tše botse. Gantši batho ba rata go kwa ditiragalo tše botse ka ga ditšebalegi. Mo mengwageng ya mathomo batho ba be ba rata go kwa ka ga botšha bja Jesu. Seo se bonala ga bonolo ge re lebelela kudu ditiragalo tšeo re di humanago go dipuku tšeo di bitšwago diApocrypha. Apocrypha, seo se ra gore, diebangedi tša maaka tšeo di bego di tšweleditšwe dicenturing ka morago ga bophelo bja Jesu mo lefaseng. Mo go dingwalo tše re humana mehlolo ye mentši ka ga Jesu e monyane. Go bolela o tee: ka nako yengwe Jesu yo monyane o be a bapala le bagwera ba gagwe mo thoko ya noka. Ba ile ba tšea letsopa gomme ba dira dinonyana ka lona. Gomme ka motsotso o mongwe, Jesu a emelela a opa magoswi, gomme ka morago ka nonyana ya gagwe ya letsopa e a ba nonyana ya nnete gomme ya fofa.

Tiragalo yengwe yona ke ye: Jesu o be a bapala le bagwera ba gagwe mo godimo ga ntlo. Mo go Isiraele dintlo ka moka di be di na le marulelo a go dula, gomme batho ba be ba rata go ya gona gomme ba dule ka godimo ge letšatši le dikela. Go fodile e bile e le lefelo la go kgothatša ka morago ga letšatši la go fiša. Gomme Jesu le bagwera ba gagwe ba be ba bapala godimo ga ntlo. Gomme ka motsotso o mongwe, mogwera wa gagwe a wela fase go tšwa godimo ga ntlo. Ba mo humana a robetše fase a hwile. Ge batswadi ba mošemane ba bona šeo, ba ile ba galefela Jesu, be re: ke yena yo a lahletšego ngwana wa bona fase. Le ga go le bjalo Jesu a khunama pele ga mogwera wa gagwe wa go hwa, gomme a mo phediša gape. Ge mošemane a tsoga, Jesu a mmotšiša a re: ana ke nna ke go lahletšego fase? Gomme mošemane yo a bego a hwile, empa bjalo a phela a re: Aowa, ga se wena. Ke nna ke welego ka bonna.

Tiragalo yengwe e bolela ka tsela ye: Jesus, ge a be a le mošemane, o be a thuša tatagwe. Gomme tatagwe Josefa e be e le mmetli. O be a šoma a dira lebatl. Ge a šoma, Josefa a lemoga gore lepolanka leo a bego a le šomiša go dira lebatl ke le lenyane. Le ga go le bjalo Jesu a re go tatagwe: Tate, ga go bothata, gomme o tšea lepolanka a le otlolla go fihlela le fihlela ka mokgwa wo ba lenyakago.

Le ge e le gore ditaragalo tše ke tše botse, mo historing seo ga se nnete. Ditiragalo tše bontši bja tšona di ngwadilwe ka morago ga century ka morago ga gore Jesu Kriste a rotogelego legodimong. Kantle le ditiragalo tše seo Luka a se ngwalago ka se maleba mo historing. O nyakišišitše dilo ka

moka gabotse. O boletše le mmago Jesu yo a ilego a boloka ditiragalo mo pelong ya gagwe. gomme gantsi ke mmago Jesu yo a boditšego Luka ka ga temana ya rena: ka nnete, ka nako yengwe Jesu o ile a timela mo Jerusalema. Le ga go le bjalo rena bjalo ka batswadi ba gagwe re ile ra gopola gore o timetše. Empa gabotse ka ge re tlile go bona, go be go se bjalo.

Empa pele re tšwela pele, bana bešo, ke rata go botšiša potšišo. Ana o theetša bjang ditiragalo tše tša temana ya rena? Yo mongwe a ka theetša ka ditsela tšeo di fapanego. Ke ra gore, re ka kgetha tsela yeo re theetšago ka yona. Re rata go theetša dilo tšeo re kgahlwago ke tšona. Se ke lebaka la gore gobaneng go na le ditiragalo tše dintši tša maaka tšeo di ngwadilego ka ga botšha bja Jesu. Re rata go kwa ditiragalo tše botse tša go tšeiša madi, tšeo di lego letlakaleng la mathomo. Ka moka ditiragalo tše ga se tša maleba. Ka lebaka leo go bohlokwa go lemoga gore Luka ga a tliše go rena ditiragalo tše bjalo. Ga se dinonwane, tiragalo ye botse, o kgonne go utulla ka ga botšha bja se tsebalegi. Re na le mo seo se fapanego karolo ya history go ya ka Ebangedi. Luka o ngwadile Ebangedi a na le maikemišetšo a maleba. O dirile bjalo a sepedišwa ke Moya o Mokgethwa. Gomme ka ge re tseba, diEbangedi ka moka di fihlelela mo go go bapolwa le go tsoga ga Kriste. Lebaka la gore o hwetše dibe tša rena. Lebaka la gore o fentše lehu. Se e be e le ona maikemišetšo a modiro wa gagwe lefaseng. Wo ke ona modiro wo a o filego ke Tate wa magodimong, wo a bego a swanetše go phetha. Gomme ka morago a ke maikemišetšo a Luka, ge a ngwala Ebangedi ya gagwe. gomme le tiragalo yeo, ya Jesu, ge a na le mengwaga ye lesome le metšo e mebedi, re swanetše go lebelela se ka tsela yeo – tsela yeo e lego maikemišetšo a bophelo bja gagwe mo lefaseng. Luka o re laetša tiragalo ka mo Jesu le ge e le mošemanyana sa mathomo o be a ikokobetša go Tate wa gagwe wa magodimong, ka mo Jesu a bego a itokišetša modiro wa gagwe wo o tlogo.

Gabotse, Jesu ga a ba le botšha bjo re ka rego ke bjo botse. O goletše motseng wa Nazaretha. Wo ke motse wo o bego o sa tsebege wa magaeng. Mo Nazaretha Jesu o dutše mengwaga ye e ka bago masome a mabedi le metšo ye mehlano goba go fetiša mo bophelong bja gagwe. gomme go tloga ka nako ye ke mo Luka a ngwadilego tiragalo ya temana ya rena. Bjalo ka ge e be e le setlwaedi, Jesu o ile a sepela le batswadi ba gagwe go ya Jerusalema, go ya tempeleng go keteka Paseka. Gomme ka morago batswadi ba gagwe ba boela gae, empa yena a šala Jerusalema ba sa le moge, re tseba tiragalo ye. Ka morago ga matšatši a mararo batswadi ba gagwe ba mo humana ka tempeleng. Ga go bolelwe ka tempele ka boyona, empa go bolelwa ka moka ga lebala la tempele. Go be go na le diphapoši tša baperisita e be e le bjalo ka diphapoši mo baLefi le bamangwalo ba bego ba ruta batho Lentšu la Modimo. Gona mo Jesu o be a le gare ga baruti ba Beibele. Gomme go na mo batswadi ba gagwe ba mo humana gona, a sa phedile e bile ka mahlale a tšea karolo a araba dipotšišo e bile a botšiša ka boyena.

Gape, se ga se tiragalo ka ga mohlolo wa ngwana ka go bolela ka molomo. Ka nnete, Jesu e be e le ngwana wa mehlolo. Empa Luka ga a bolele tiragalo gore a re tšeiše madi: lebelela mošemane yo monyane o be tseba kudu ka ga Modimo le Beibele go fetiša baruti le barutiši. Ba be ba ithutile Beibele mengwaga yena o be a na le mengwaga ye lesome le metšo e mebedi fela. Se ga se maikemišetšo a Luka. E be e le setlwaedi matšatšing ao gore batho ba rutwe Lentšu la Modimo mo tempeleng. Ka nako tše dingwe go be go tsoga diphapang magareng ga baruti ba molao le batho. Re ka bala se mo Beibeleng ka morago, ge Jesu a be a ruta ka boyena. Le yena o be a ruta batho mo tempeleng. Re ka tšea mohlala wa Johane 7:14: Jesu a ya tempeleng gomme a thoma go ruta.

Gomme Jesu o ile a tsena gareng, ga poledišano le baruti ba bangwe kudu baFarasei mo tempeleng. Empa bjale Jesu o be a sa le mošemane wa mengwaga ye lesome le metšo e mebedi, gomme o be a theeditše ka hlokomelo baruti ba mangwalo, ba hlalošetša batho ka ga Testamente ya Kgale.

Bjale ke mo go botše gore re lemoge ka mo thuto e bego e le ka gona. E be e le setlwaedi go botšiša dipotšišo ka nako tšohle. Baruti ba be ba sa rere, e be e se polelo ya motho o tee. Empa e be e le bjalo ka thuto sekolong, mo barutiši ba botšišago bana dipotšišo, le bana ba dira bjalo.

Gomme Jesu mošemane wa mengwaga ye lesome le metšo e mebedi o be a theeditše a hlokomelo, gomme a se ke a sepela bjalo ka ba bangwe. Ka nako yengwe o ile a botšiša potšišo yeo a bego a ile a gopola gabotse ka yona. Gomme ge a be a botšišwa potšišo batho ka moka ba be ba makala ka tsela a arabago ka gona. Matšatši a mararo le go feta mo, Jesu a boela lefelo le. Go be go lebega e ke o rata go kwa go fetiša mo. Ka lebaka le re ka lemoga ka mo mmagwe a ilego a tlabega ka gona. Mohlomongwe ba ile ba mo lebelela motse ka moka le mo lebaleng le tempele mo gohle mo mošemane wa mengwaga ye lesome le metšo e mebedi a ka bago gona. Empa lebaka la gore a ka ba a le gare ga baruti, ba be ba sa gopole seo. Ka lebaka leo mmagwe a ilego a tlabega ka gona. Empa le karabo yeo a e neilego mmagwe. Gobaneng o nnyaka? Ana ga o tšebe gore ke swanetše go ba mo ngwakong wa Tate? O be a e ra gore: Mmagwe, o be o swanetše go gopola gabotse, go be go sa hlokagale gore o nnyake. O be o swanetše go ka belaela gore ke ka mo gare ga ngwako wa Tate. O a tseba gore ke swanetše go dira eng, le gore ke nyaka go dira eng, a ga o tšebe? Ana morongwa ga a go botša seo? Lebaka la gore ke Morwa wa Modimo...?

Gape bana bešo, se ga se tiragalo ya go tšeiša madi. Empa ke tiragalo e botse. Tiragalo ya go sepela. Maria o lemogile lebaka la pele gore morwa wa gagwe ke Morwa wa Modimo. Le gore o thoma go itokišetša leeto la gagwe le le tlogo. Modiro wa gagwe ga se ešo wa thoma. O tlile go thoma ge a na le mengwaga ye masome a mararo. Empa re bona mo gore o thomile go itokišetša modiro wa gagwe. leeto la go ba Mophološi wa lefase. Modiro wa gagwe ke go ba Mophološi wa ka le wena. Mmagwe Maria o be a sa lemoge dilo ka moka lebakeng leo. Empa a boloka dilo tšohle pelong ya gagwe. gomme ka morago a thoma go di lemoga. Ka morago ga gore Morwa wa gagwe, Morwa wa Modimo a phethe modiro wa gagwe, modiro wo a o filwego ke Modimo. Ke ka morago fela mo a ilego a lemoga gore morwa wa gagwe o ra go reng ge a re: 'ana ga o tšebe gore ke swanetše go ba ka ngwakong wa Tate?' baruti mo Jerusalema ba be ba tlile go kopana le Jesu ka morago e le moruti ka boyena. A tliša ditaba tše botse: ke Nna meetse ao a phelago. Ke Nna borotho bja bophelo. Ke Nna modiši yo botse. Empa bjale, bjalo ka mošemane wa mengwaga ye lesome le metšo e mebedi Jesu o be a itokišetša modiro wo, wo o tlogo ka morago, ge a tlabe a thoma modiro wa gagwe, a na le mengwaga ye masome a mararo a itokišetše gabotse.

Tiragalo ye e re ruta ka mo Jesu le ge a be a sale mošemanyana a ilego a tseba Tatagwe wa magodimong le lebaka la gore gobaneng a rometšwe lefaseng. Ke nnete botšha bja gagwe ka moka bo be bo lebeletše lebaka le. Se ke molaetša wa thero ye rena.

Bjale mohlomongwe o a botšiša: ana nka tšea molaetša wo ka o šomiša bjang bophelong bja ka? Nna, bjalo ka mošemane goba mosetsana, a ke swanetše go thoma go phela bjalo ka Jesu? Ana, nna bjalo ka motswadi, ke swanetše go godiša bana ba ka gore ba obamele le go ba bohlale bjalo ka Jesu? Ga re bolele nnete, seo ga se kgonagale. Gobane rena ka moka re belegetšwe mo sebeng. Gomme seo ke sona phapang fela magareng ga Jesu le batho ba bangwe: o be a se na sebe.

Empa, mohlomongwe re ka makala, gobaneng Jesu a be a swanetše gore a ithute? Luka o bolela gore o ile a gola ka go hlalefa. Ana Jesu ga a tšebe swanela go tseba tšohle? Ana ga se sebe gore o be a swanetše go ithuta dilo tše dingwe, bana bešo mohlomongwe re na le kgopolo ye ka tsela yeo e phošetšego ka ga mohlolo ka Jesu ge a le ngwana. Ka nnete, lebaka la gore e be e le Modimo e be e se gore mo bophelong bja gagwe bjalo ka ngwana le mošemane o be a swanetše go ba le bohlale a tsebe tšohle bjalo ka motho e mogolo. Gabotse lebaka la gore a dule e le Modimo bophelong bja gagwe mo lefaseng, bjalo ka ge Katikesema Sontaga sa 6 se bolela: 'gore ka maatla a bomodimo bja gagwe o tlile go ba le bomotho bja go rwala kotlo ya Modimo.' Ka lebaka leo e be e le Modimo le mo lefaseng gore a efoge sebe. Empa lebaka la gore o be a swanetše go ithuta le go itokišetša modiro wa gagwe seo e be e se sebe.

Bjale re šomiša bjang molaetša wo bophelong bja rena? Sa mathomo: ga re lebogeng kudu lebaka la gore Jesu Kriste o tlile mo lefaseng. Ga re thabeng ka seo a lego sona. Ke Mophološi wa rena. E be e se ngwana wa mehlolo go ya ka kgopolo ya rena. Empa e be e le Morwa wa Modimo mohlolo o mogolo ka kudu. O be a rometše ke Modimo go tliša kagišo mo lefaseng. Go tsosološa

kgwerano, gore boelanya le Mmopi wa rena, go tloša sebe. O be a tlile go ba Mophološi wa rena. Mophološi wa gago, Mophološi wa ka.

Mo lebakeng la bobedi, re ka ithuta mo historing ka ga boikokobetšo bja modiro wa Jesu godimo ga gagwe, modiro wo a o filwego ke Tatagwe wa magodimong. Gomme le ge e le ngwana o be a itokišetša modiro wa gagwe. le ge e re gore modiro wa rena o fapana le wo Jesu a o humanego. Mang le mang wa rena le yena o na le modiro wo a o humanego go tšwa go Modimo bophelong bja rena. Ga re direng – ke tsela ya Jesu – re ikokobetše mo pitsong ya rena. Ga re kgotleleleng pitšo ya rena, le ge e re modiro wa rena ke o boima. Modiro wa rena e ka ba wa setlwaedi empa seo ga se re gore ga o bohlokwa. Bjalo ka go ba mme yo a lokilego ngwaneng wa gago. Bjalo go ba mothopegi wa maleba, goba mereki ka bowena wa go tshepagala. Bjalo go ba koko yo bohlale, o tšea nako go ruta ditlogolo tša gago ka ga Modimo le botše bja gagwe. ga re beng le tumelo mo pitšong ya rena. Ga re pheleng ka maikemišetšo, ga re ageng mmogo gomme re lebelele mmogo go tla ga mmušo wa Jesu Kriste.

Amene.